

Xeev California Chav Tuam Tsev Tswj Phab Kev Kawm/Koog Tsev Kawm Ntawv Sacramento City Unified School District Niamtxiv Txoj Cai

Lus piav qhia txog Tus Txheej Txheem Tiv Thaviv Kev Ruaj Ntseg rau cov menyuam tau txais kev kawm ntawv tshwj xeeb rau tus kheej vim xiam-oob-qhab.

Cov niamtxiv ntawm cov menyuam xiam-oob-qhab uas muaj hnuv nyoog txij li 3 xyoo mus txog 21 xyoo uas tau txais kev kawm ntawv tshwj xeeb raws li txoj cai lijchoj Kawm Ntawv Tshwj Xeeb rau Tus Kheej Vim Xiam-Oob-Qhab (Individuals with Disabilities Education Act (IDEA)). Cov cai no hu ua tus txheej txheem tiv thaviv. Tus neeg pab sawv cev ntawm tus/cov niamtxiv thiab tus/cov menyuam uas muaj hnuv nyoog 18 xyoo uas tau txais kev kawm ntawv tshwj xeeb, kuj muaj feem xyuam yuav tsum tau txais cov cai no thiab.

Cov neeg ua haujlwm hauv tus menyuam koog tsev kawm thiab hauv cov chaw tuav haujlwm rau tus qauv npaj rau kev kawm ntawv tshwj xeeb (SELPA) yuav teb tau tus niamtxiv cov lus nug txog nws cov cai thiab tes haujlwm feem xyuam ntawm tus menyuam cov kev kawm ntawv tshwj xeeb. Yog thaum tus niamtxiv muaj lus nyhav siab, nws yog ib qho tseem ceeb uas tus niamtxiv yuav tau hais qhia rau nws tus menyuam tus xibhwb lossis cov thawj tswj kom muaj kev sib tham txog ntawm tus menyuam thiab yam teeb meem uas lawv pom. Feem ntau cov lus sib tham yuav daws tau qhov teeb meem thiab pab tau txoj kev sib txhuas lus kom muaj kev nkag siab.

Cov niamtxiv yuav tsum muaj feem xyuam koom tes nyob rau txhua qhov kev txiav txim hais txog nws tus menyuam txoj kev kawm ntawv tshwj xeeb. Cov niamtxiv muaj cai koom tes nyob rau hauv qhov kev sablaj hais txog ntawm qhov kev kawm ntawv tshwj xeeb rau tus kheej (IEP), kev xeem tus menyuam, kev tso nws tus menyuam kawm ntawv thiab lwm yam kev kawm tsim nyog zoo thiab haum rau nws txoj kev kawm (FAPE).

Thaum tsis muaj tus niamtxiv lossis hu nrhiav tsis tau nws lawm, koog tsev kawm ntawv yuav muab ib tug neeg los hloov chaw tam tus niamtxiv rau tus menyuam txoj kev kawm ntawv tshwj xeeb

Niamtxiv Muaj Txoj Cai li cas Txog Ntawm Kev Kawm Ntawv Tshwj Xeeb nyob hauv Xeev California?

Cov niamtxiv thiab cov menyuam uas muaj hnuv nyoog 18 xyoo rov sauv muaj cai:

- **Koom Tes**

Cov niamtxiv muaj txoj cai xa nws tus menyuam mus nrhiav kev kawm ntawv tshwj xeeb pab, mus koom tes nyob rau hauv kev sablaj IEP thiab muaj cai mus hnov tej kev pabcuam nyob rau hauv tsev kawm ntawv.

- **Txais Ntawv Tshaj Tawm Qhia Kom Paub Ua Ntej**

Cov niamtxiv muaj cai txais ntawv tshaj tawm qhia ua ntej hais ua nws hom lus, yog thaum koog tsev kawm ntawv lees txais lossis tsis lees txais nws qhov kev thov hloov ntawm nws tus menyuam, kev xeem ntawv, lossis kev tso kawm ntawv raws theem nyob rau hauv sab kev kawm ntawv tshwj xeeb.

- **Kos Npe Tso Cai**

Yuav tsum muaj ntawv sau qhia niamtxiv paub ua ntej txog ntawm tej kev yuav xeem nws tus menyuam lossis muab kev kawm ntawv tshwj xeeb los pab. Yuav tsum muaj kev tso cai los ntawm niamtxiv ua ntej yuav muaj lwm yam kev hloov nyob rau hauv txoj kev kawm ntawv tshwj xeeb rau tom ntej. Yog hais tias tus niamtxiv ntawv lag ntsheg lossis tsis paub lus Askiv, koog tsev kawm ntawv yuav tsum npaj kom muaj neeg txhais lus rau tus niamtxiv kom nws nkag siab txog lub rooj sablaj IEP zoo.

- **Tsis Tso Cai**

Cov niamtxiv muaj cai tsis kam kos npe tso cai rau kev xeem ntawv lossis tsis tso cai nws tus menyuam kawm ntawv rau hauv kev kawm ntawv tshwj xeeb los tau.

- **Muab Kev Xeem Ntawv Yam Ncaj Ncees**

Kev xeem tus menyuam rau kev kawm ntawv tshwj xeeb yuav tsum siv kev ncaj ncees tsis txhob cuam tshuam txog nws haiv neeg cev nqaij daim tawv lossis saib tsis taus.

- **Nrhiav Kev Xeem Ntawv rau Tus Menyuaam Tas Haj**

Yog niamtxiv tsis txaus siab txog ntawm qhov kev xeem ntawv uas koog tsev kawm ntawv muab rau tus menyuam ntawd, lawv muaj cai nug thiab nrhiav kev xeem ntawv tas haj sab nrauv los nrog luj xyuas (IEE) uas yog siv pej xeem cov nyiaj se (koom haum pab cuam zej zog) los nrog them.

Niamtxiv tsuas tau txais ib zaug rau ntawm qhov kev xeem ntawv tas haj no rau thaum nws tsis pom zoo rau qhov kev xeem los ntawm koog tsev kawm ntawv xwb.

Thaum tus niamtxiv thov kom muaj kev xeem IEE uas yog siv pej xeem tej nyiaj se, koog tsev kawm ntawv yuav tsum txhob laug sijhawm lawm, nws yuav tsum npaj kom muaj lub koom haum ntawv los pab xeem ntxiv, lossis koog tsev kawm ntawv thov kom muaj qhov kev tham kom sibhaum vim nws ntseeg hais tias nws qhov kev xeem yeej ncaj ncees es tsis txhob siv lwm lub koom haum sab nrauv los xeem. Koog tsev kawm ntawv yuav tsum nrhiav kom muaj tus qauv lossis cov cai (nrog rau nyiaj xtiag thiab qhov chaw) rau qhov kev xeem IEE no.

- **Txais Tej Ntaub Ntawv Qhia Txog Kev Kawm**

Niamtxiv muaj cai tshawb xyuas, saib dua, thiab ceev ib daim qauv txog ntawm nws tus menyuam tej ntaub ntawv.

Kawm Twj Ywm Rau Hauv Qhov Kev Kawm Yog Tsis Txaus Siab Txog Ntawm Qhov Kev Kawm Nws Yuav Tau Txais Kawm

Yog niamtxiv tsis txaus siab rau ntawm qhov kev kawm tshwj xeeb uas koog tsev kawm ntawv tso nws tus menyuam kawm lossis qhov kev hloov rau tus menyuam txoj kev kawm, txoj cai lijchoj hais tias tus menyuam “yuav tau kawm twj ywm” rau ntawm qhov kev kawm uas nws niaj hnuv kawm kom txog rau thaum daws tej ncauj lus tag.

- **Sib Hais Txog Qhov Kev Tsis Txaus Siab Txog Ntawm Qhov IEP**

Niamtxiv muaj cai sau ntawv tsis txaus siab txog ntawm qhov kev kawm (FAPE) txog nws tus menyuam; nrhiav tub txheem plaub ntug, nrhiav tus sawv cev nws, thiab tus menyuam, yog tias tsim nyog rau nws ua, los daws tej ncauj lus kom tiav. Nyob ntawm qees rooj, tus neeg los mus daws qhov kev tsis txaus siab no kuj yuav tau muab phaj tshab, muab txo, lossis xyeej tus nqi ntiav leg ntaub ntawv thiab tej nqi rau tus niamtxiv ua tus them thaum hais tiav. Xav thov qhov kev sib tham kom muaj kev haum xeeb, thov hu rau lub chaw ua haujlwm Office of Administrative Hearings (saib cov xovtooj hauv qab).

- **Muaj Kev Sib Kho Kom Haum Xeeb**

Thaum cov niamtxiv tsis txaus siab rau cov kev kawm ntawv tshwj xeeb rau nws tus menyuam lawm nws muaj cai yuav tau txiav txim seb nws puas xav tau tus neeg kho kom muaj kev haum xeeb ntawm ob tog thiab nrhiav hau kev kom ob tog txaus siab rau lub hom phiaj. Cov niamtxiv muaj feem xyuam mus nrhiav tus neeg los nrog kho mloog ob tog lus lossis kom lawv tuaj koom mloog qhov kev sib tham ua ke los tau. Kev sib kho kom haum xeeb rau ob tog yuav tsis pub laug caij nyooq rau niamtxiv txoj cai ntawm qhov kev cov nyom no.

- **Sau Ntawv Tsis Txaus Siab Hais Txog Koj Koog Tsev Kawm Ntawv**

Yog cov niamtxiv ntseeg hais tias nws tus menyuam koog tsev kawm ntawv ua tsis raws cai lawm, nws muaj cai sau ntawv foob kev tsis txaus siab txog ntawm nws koog tsev kawm ntawv mus rau hauv California Chav Tuam Tsev Tswj Phab Kev Kawm. Chav tuam tsev no yuav tsum tshawb xyuas txog qhov kev tsis txaus siab seb puas yog ua tsis raws cai nyob rau ntawm cov cai IDEA, lub xeev cov cai kawm ntawv, lossis cov cai tswj hwm, es mam sau ntawv xa tawm qhia txog qhov teeb meem nrhiav tau ntawv rau niamtxiv kom tsis pub dhau 60 hnuv pib hnuv txais tau daim ntawv tsis txaus siab.

- **Txais Ntawv Qhia Txog Tsev Kawm Ntawv Tej Kev Qhuab Qhia Thiab Lwm Txoj Hau Kev Qhia Ntawv**

Muaj cov cai qhia meej piav txog cov menyuam muab ncau tsis pub kawm ntawv vim txhoj puab thiab rho tsis pub kawm ntawv ntawm cov menyuam kawm IEP no. Qhov loj tshaj, yog tus menyuam muaj kev kawm ntawv tshwj xeeb yuav raug ncau tsis pub kawm ntawv lossis muab tso kawm rau lwm qhov kev kawm uas zoo ib yam nkaus li cov tsis xiam-oob-khab thiab.

Yog tus menyuam tau txais kev kawm ntawv tshwj xeeb nyob rau hauv ib qho kev kawm ntawv ntau tshaj li 10 hnuv lawm, kev sablaj IEP yuav tsum muaj los sib tham kom muaj chaw mus rau tus menyuam no qhov kev kawm raws li txoj cai kom thiaj tsis yuam kev. Txawm li cas txog rau ntawm tus menyuam qhov kev kawm los, koog tsev kawm ntawv yuav tsum muaj qhov kev kawm FAPE no.

- **Txais Ntawv Qhia Txog Cov Cai rau Cov Menyuam Uas Kawm Ntawv hauv Tsev Kawm Ntawv Ntiav**

Koog tsev kawm ntawv tes haujlwm yog tshawb nrhiav thiab xeeb cov menyuam kawm ntawv tshwj xeeb uas kawm nyob rau hauv cov tsev kawm ntawv ntiav. Txawm li ntawv los, koog tsev kawm ntawv yuav tsis tau kam muab kev qhia ntawv tshwj xeeb rau tus/cov menyuam ntawd. Nws yuav tsis tau muaj cai txais kev pab, txawm li no los qee lub tsev kawm ntawv ntiav thiab cov menyuam kawm ntawv ntiav yeej tau kev pab los ntawm koog tsev kawm ntawv.

Lwm Cov Kev Pab

Daim ntawv no yog ib daim ntawv piav qhia txog tus txheej txheem tiv thaiv raws li tseem fwm txheej siab thiab lub xeev no cov cai lij choj (20 USC Section 1412(d); 34 CFR 300.504; EC sections 56301(d)(2), 56321, and 56341.1(g)(1)). Cov Cai Kawm Ntawv Tshwj Xeeb Rau Cov Niamtxiv thiab Menyuam, muaj piav qhia meej tshaj no ntxiv nyob rau ntawm Pawg Neeg Saibxyuas Kev Kawm Ntawv Tshwj hauv Xeev California Chav Tuam Tsev Tswj Phab Kev Kawm. Xav paub ntau ntxiv txog niamtxiv cov cai lossis muaj kev tsis txaus siab xav daws, thiab nrog rau sau ntawv txog kev tsis txaus siab, thov hu mus rau Pawg Neeg Saibxyuas Kev Kawm Ntawv Tshwj Xeeb hauv Xeev California Chav Tuam Tsev Tswj Phab Kev Kawm, es thiaj li xa tawm tau hais txog kev pab rau ntawm Tus Txheej Txheem Tiv Thaiv no, xovtooj yog 800-926-0648 lossis sau ntawv mus rau ntawm:

California Department of Education
Special Education Division
Procedural Safeguards Referral Service
1430 N Street, Suite 2401
Sacramento, CA 95814
Xovtooj: 800-926-0648

Xovtooj xa ntawv: 916-327-3704

Xav tau tus neeg mloog thiab daws kom muaj kev haum xeeb rau ob tog, hu rau:

Office of Administrative Hearings
Special Education Division
2349 Gateway Oaks, Suite 200
Sacramento, CA 95833-4231
Xovtooj: 916-263-0880

Xovtooj xa ntawv: 916-263-0890